

Inuussutissarsiutitigut ilinniartitaanerup aqunneqarnera pillugu Namminersornerullutik Oqartussat nalunaarutaat

Inuussutissarsiutitigut ilinniartitaaneq, ilinniagaqarnermut tapiissutit inuussutissarsiutinullu tunngasunik siunnersuineq pillugit Inatsisartut peqqussutaanni nr. 1-imi 4. maj 1990-imeersumi §§ 1 aamma 6 naapertorlugit makku aalajangersarneqarput:

Kapitali 1.

Kultureqarnermi Ilinniartitaanermi Suliffeqarnermilu

Pisortaqarfik.

§ 1. Inuussutissarsiutitigut ilinniartitaanerni tamani ilinniartut suliffeqarfiillu pillugit pissutsini aningaasatigut, inatsisilerinikkut, aqutsinikkut pilersaarusiornikkullu qitiusumik ingerlatsineq Pisortaqarfimmit ingerlanneqarpoq, matumani ilanngullugit ilinniartitaanermi tapiissutit, ilinniartitaanermi taarsigassarsiat kiisalu ilinniartitaanermik inuussutissarsiutinullu tunngasunik siunnersuineq.

§ 2. Qitiusumik ilinniartitaanermi ataatsimiititaliap najukkanilu ataasiakkaani inuussutissarsiutitigut ilinniartitaaneq pillugu ataatsimiititat inassuteqarneri naapertorlugit naalakkersuisuni ilaasortap makku aalajangersassavai:

1) Ilinniakkami ataatsimi taassumalluunniit ilaani ilinniagaqartut qassit ilinnlartussatut tiguneqassanersut, aamma

2) ilinniartitaanerit ataasiakkaat sammiviillu ataasiakkaat ingerlanneqarnerini holdit ikinnerpaaffissaat.

§ 3. Pisortaqarfup ukiut tamaasa ilinniakkamut ilinniartussatut tiguneqarnissamik qinnuteqarnermi piffissarititaasut kingulliit periusissallu pillugit paasisitsiniaanerit pisariaqartut aallartittassavai.

§ 4. Najukkani inuussutissarsiutitigut atuarfeqanngitsuni inuussutissarsiutitigulluunniit ilinniartitaaneq pillugu ataatsimiititaqanngitsuni pisortaqarfup imaluunniit suliffup inuulluunniit pisortaqarfup piginnaatitaata suliassat najukkami inuutissarsiutitigut atuarfup inuussutissarsiutitigullu ilinniartitaaneq pillugu ataatsimiititap suliassai isumagissavai.

§ 5. Pisortaqarfik Ilinniartitaanermi Tapiissutit pillugit Siunnersuisoqatigiinnut Ilinniartitaanermilu Tapiissutit pillugit Naammagittaalliuuteqartarfirmut allattoqarfiuvoq.

Kapitali 2.

Qitiusumik ilinniartitaanermi ataatsimiititaliaq.

§ 6. Inuussutissarsiutit pingaernerit taamaasa pillugit qitiusumik ilinniartitaanermi ataatsimiititalianik pilersitsisoqartassaaq. Ilinniartitaanerup qaffasissusiata pigiinnarneqarnissaa qitiusumik ilinniartitaanermi ataatsimiititaliap nakkutigissavaa, qulakkiissallugulu Siammasissumik Tunngaviusumik Ilinniartitaanerit nunami tamarmik assigiissaarneqarnissaat.

Imm. 2. Qitiusumik ilinniartitaanermi ataatsimiititaliap makku pisorta qarfimmu inassuteqaate qarfigissavai:

- 1) Ilinniartitaanerit siunertaat imarisaallu.
- 2) atuarfinni ilinniartitsinerit pillugit tunaartarisassat,
- 3) sungiusarfusuni ilinniartitsinerit pillugit tunaartarisassat,
- 4) sungiusarfiit akuerineqartarnerini tunaartarisassat,
- 5) sulia qarfimminni ilinniartitaanernik nutaanik aallartitsinerit
- 6) sulia qarfimminni ilinniaqqitsitaanernik allanillu ilinniagaqarnernik aallartitsinerit.

Imm. 3. Qitiusumik ilinniartitaanermi ataatsimiititaliap suliassat allat Nalunaarutitut allanut tunngassuteqartut aamma ingerlatissavaat.

Imm. 4. Qitiusumik ilinniartitaanermi ataatsimiititaliat ilaasortaasa aamma suliassaraat toqqartuisussatut sulisussaq qitiusumik ilinniartitaanermi ataatsimiititaliap suliaani ilisimatittassallugu.

Kommunalbestyrelsen sinniisuutitaata KANUKOKA qitiusumik ilinniartitaanermi ataatsimiititaliap sulia pillugit ilisimatittassavaa.

§ 7. Qitiusumik ilinniartitaanermi ataatsimiititaliap makkuninnga ilaasorta qarpoq:

- 1) Sulisitsisut peqatigiiffisa imaluunniit sulisitsisut annerit ataasiakkaat susassaqtut ilaasortaattassamittut toqqagaat marluk-pingasut,
- 2) akissarsiallit peqatigiiffisa susassaqtut ilaasortaattassamittut toqqagaat marluk-pingasut,
- 3) kommunimi qitiusumik ilinniarfiup inissisimaffianiittumi kommunalbestyrelsen ilaasortaattassamisut toqqagaa ataaseq.
- 4) Naalakkersuisuni ilaasortap ilaasortaattassatut toqqagaa ataaseq,
- 5) qitiusumik ilinniarfiup ilinniartitsisoqatigiivisa ilaasortassamittut toqqagaat ataaseq, kiisalu
- 6) qitiusumik ilinniarfimi ilinniagaqartut akunnerminni ilaasortaattassamittut toqqagaat ataaseq.

Imm. 3. Inatsisartunut qinersereernerit kingorni taamaasa ilaasortaattassat nutaat toqqarneqartassapput. Toqqagaaqqittoqarsinnaavoq.

Imm. 4. Naalakkersuisuni ilaasortap aalajangersartassavaa peqatigiiffiit/kattuffiit imaluunniit sulisitsisut ataasiakkaat sorliit susassaqtut inni assigiinngitsuni qitiusumik ilinniartitaanermi ataatsimiititaliamut ilaasortaataqarnissaminut toqqagaqassanersut. Imm. 1-imi nr. 1 aamma 2 malillugu ilaasortat amerlassusiat allanngorarsinnaavoq.

Imm. 5. Peqatigiiffinnit/kattuffinnit ilaasortaattassatut toqqarneqartut ilinniagaq pillugu ilisimaarinnittuussapput, kommunimilu qitiusumik ilinniarfiup inissisimaffigisaani najugaqartuusariaqarlutik. Ilasortaq kommunimi tassani najugaqartuunngippat sinniisussatut qinigaasoq kommunimi tassani najugaqartuussaaq. Ilasortat toqqarneqarnerinik piumasaqaatinik taakkuninnga naammassinninngitsut Naalakkersuisuni ilasortat akuerineqarnissaat itigartinneqarsinnaavoq.

§ 8. Qitiusumik ilinniartitaanermi ataatsimiititaliami taaseqataasinnaatitaanatik ilasortat aalajangersimasut Naalakkersuisuni ilaasortap toqqarsinnaavai, qitiusumillu ilinniartitaanermi ataatsimiititaliap aamma pisariaqartitsinini naapertorlugu taamaattunik toqqaasinnaatitaalluni.

§ 9. Qitiusumik ilinniartitaanermi ataatsimiititaliap siulittaasussani taassumalu tullissaa ilumini qinissavai, taakkulu kommunimi qitiusumik ilinniarfiup inissisimaffigisaani najugaqartuusariaqarput.

Naalakkersuisuni ilaasortap allami najugaqarneq akuersissutigisinnaavaa.

Imm. 2. Naalakkersuisuni ilaasortap qitiusumik ilinniartitaanermi ataatsimiititaliap suleriaasissaa aalajangersartassavaa, tassunga ilanngullugit aqutsisut pillugit aalajangersakkat. Suliassat § 6-imi taaneqarsimasut imaat pillugit suleriaasissatut aalajangersakkani ilitersuusiortoqarsinnaavoq.

§ 10. Peqatigiiffinit/kattuffinitassigisaannilluunniit ilaasortanut toqqarneqarsimasunut kommunit aqunneqarneri pillugit inatsimmi malittarisassat aalajangersarneqarsimasut malillugit ataatsimiinnersiutisiaqartitsisoqassaaq. Ilaasortat kommunimit toqqarneqarsimasut ataatsimiinnersiutisiaqartinneqarneratkommunimitaningaasalersorneqassaaq. Ilinniagaqartut sinniisuutitaat taamaallaat ataatsimiinnersiutisiaqartinneqarsinnaapput sungiusarnermik nalaanni akissarsiaqarunik, ataatsimiinnerminnilu piffissaq atugaat akissarsiaannit ilanngaatineqartassalluni.

Kapitali 3.

Qitiusumik ilinniarfiit.

§ 11. Inuutissarsiutitut pingaarnerusunut tunngatillugu ataatsimut isigalugu killissarititaasut iluanni qitiusumik ilinniarfiup makku suliassarai:

- 1) Ilinniartitaanerit pillugit nutaanik siunnersuusiortutillu ilinniartitaanerit ingerlanneqareersut kukkunersiorlugit aaqqiissutissanik siunnersuusiornissaq,
- 2) ilinniartitaaneritimaasaaqgissuunneqarnissaat, matumani ilinniartitaanerup ingerlaneranut tamarmut atuuttussamik atuartitsinissamik pilersaarutit, atuartitsinermi ilitersuutit atuartitsinermilu atortussat suliarineqarneri ilanngullugit,
- 3) Siamasissumik Tunngaviusumik Ilinniartitaanerup ilaata qitiusumik ingerlanneqartussap ingerlanneqarnera,
- 4) inuussutissarsiutitugit tunngaviusumik ilinniartitaanerit allat,
- 5) annerusumik ilinniartitaanerit,
- 6) nangitsisumik ilinniartitaanissaq ilinniaqqinnissarlu siunertaralugit pikkorissartitsinerit,
- 7) najukkani ataasiakkaani inuutissarsiutitugit siunnersorneqarnerup ingerlanneqarnera, matumani najukkani ataasiakkaani atuarfinni praktikkerneq pillugu ilitersuisut siunnersorneqartarneri ilanngullugit,
- 8) qitiusumik ilinniarfimmi ilinniartitaanermi ilinniarfunut ilitersuineq, matumani STI-mi ilinniagaqartut qitiusumik ilinniarfimiittut ilitersorneqartarneri ilanngullugit, kiisalu
- 9) suliassat allat pisortaqaqfiup erseqqinnerusumik unnersuussinera malillugu ilinniartitaanernut tunngassuteqartut.

§ 12. Qitiusumik ilinniarfik qitiusumik ilinniartitaanermi ataatsimiititaliamut/-nulluunniit atuarfiup inuutissarsiutitugit pingaarnerusutugit sussassaqaqfigisaaniittunut allattoqaqfiuvoq, kiisalu aamma taamaalluni §§ 22 aamma 23 malillugu qitiusumik ilinniartitaanermi ataatsimiititalianut susassaqaqtunut allanut.

§ 13. Qitiusumik ilinniarfik forständerimik Naalakkersuisunit toqqarneqartumik pisortaqaassaaq.

Imm. 2. Atuarfimmi atuartitsinermik ingerlatsinikkut, aqutsinikkut aningaasaqarnikkullu akisussaaffik forständerip tigummivaa.

§ 14. Inspektøri immikkoortoqaqfimmiluunniit pisortaqaq forständerip sinnisorissavaa.

Imm. 2. Immikkoortortaqaqfimi pisortaqaq, angalallatip ilinniarfusup naalagaa taakkuluunniit assigissaanik

atorfilik atuarfimmi il.il. atuctrtitsinermik ingerlatsinikkut, aqutsinikkut aningaasaqarnikkullu akisussaasuvoq, pisortaqaarf iulli erseqqinnerusumik aalajangersaaneratigut qitiusumik ilinniartit arlaata forstanderiata ataani inissinneqarsinnaalluni.

Kapitali 4.

Najukkani inuussutissarsiornermut ilinniartitsinermut ataatsimiititaliat.

§ 15. Kommunini inuussutissarsiuutitigut ilinniarteqarfiusuni najukkani ataasiakkaani inuussutissarsiuutitigut ataatsimiititalianik pilersitsoqassaaq. Najukkani inuussutissarsiuutitigut ilinniartitsinermi ataatsimiititaliap isumagissavaa ilinniartitaanerit najukkani inuussutissarsiuutitigut ilinniartimmut atatinneqartut malittarisassat atuuttut malillugit ingerlanneqarnissaat, matumani pisinnaasat qaffasissusiata attatiinnarneqarnissaa ilanngullugu.

Imm. 2. Najukkani inuussutissarsiornermut ilinniartitsinermut ataatsimiititaliat inuiaqatigiinni atuuffigisaminni suliffissaqartitsiniarnikkut ilinniartitaanikkullu kiisalu ilinniartitaanerit akuutiinneqarnissaasigut ataqatigiissaarisuussapput, makku ilanngullugit:

- 1) Init nukissallu pisariaqartut kommunit suleqatiginerisigut pissarsiarinissaat,
- 2) sulisitsisut suleqatigalugit sungiusarfissat pisariaqartinneqartut pissarsiarinissaat, kiisalu
- 3) ilinniartitaanerit pillugit paasissutissiisarnerit.

Imm. 3. Ataatsimiititat nalunaarutit allat naapertorlugit assigiinngitsunik aamma suliaqartussaapput.

§ 16. Najukkani inuussutissarsiornermut ilinniartitsinermut ataatsimiititaliat makkuninnga ilaasortaqaqput:

- 1) Kommunalbestyrelsen ilaasortaataa ataaseq,
- 2) najukkani akissarsiaqartut peqatigiiffisa/kattuffisa toqqagaat ataaseq,
- 3) najukkani namminersorlutik sulisitsut peqatigiiffinnut ilaasortaasut ataatsimocrlutik toqqagaat ataaseq,
- 4) najukkani pisortat sulisitsisut ataatsimoorlutik toqqagaat ataaseq,
- 5) najukkani aalisartut piniartullugu peqatigiiffiata toqqagaa ataaseq,
- 6) aqutsisuulluni skoleinspektøri taassumaluunniit toqqagaa,
- 7) suliffissarsiuussisarfimmi pisortatut siunnersorti taassumaluunniit toqqagaa,
- 8) inuussutissarsiuutitigut siunnersorti imaluunniit alla assigisaanik suliaasaqartoq kommunalbestyrelsimit toqqagaasoq, kiisalu
- 9) najukkani inuussutissarsiuutitigut atuarfiup inuussutissarsiuutitigut ilinniartitaanerit ilinniagaqartut tamarmik akunnerminni toqqagaat ataaseq.

Imm. 2. Ilaasortat imm. 1-imi nr.1-imit 5 ilanngullugu kiisalu nr. 9 malillugu toqqarneqarsimasut sinniisissaannik toqqaasoqarsinnaavoq.

Imm. 3. Kommunalbestyrelsimut qinersinerup kingorna ilaasortat nutaamik toqqarneqartassapput. Toqqagaqqittoqarsinnaavoq.

§ 17. Najukkani inuutissarsiornermut ilinniartitsinermut ataatsimiititaliap siullttaasussani taassumalu tullissaa nammineq ilumini toqqassavai.

Imm. 2. Najukkani inuutissarsiornermut ilinniartitsinermut ataatsimiititaliat suleriaasissaat Naalakkersuisuni ilaasortap aalajangersassavai, matumani ulluinnarni ingerlatsisut pillugit aalajangersakkat ilanngullugit. Ulluinnarni ingerlatsinermi aalajangersakkani suliaasat § 15-imi taaneqarsimasut imaat pillugit ilitsersuusiortoqarsinnaavoq.

§ 18. Kattuffiit ilaasortaaitassaattut toqqakkatkommunimi aqutsineq pillugu inatsimmi malittarisassat malillugit ataatsimiinnersiuteqartinneqassapput. Kommunalbestyrelsip ilaasortaaitaata ataatsimiinnersiutai kommunip aningaasartuutigissavai. Ilinniagaqartut sinniisaat akissarsiaqarlutik sungiusarlutik ataatsimiinnerminni akissarsiaminnik ilannganneqartarunik aatsaat malittarisassat taakku malillugit ataatsimiinnersiaqartinneqarsinnaapput.

Kapitali 5.

Najukkani inuussutissarsiornermut ilinniarfiit.

§ 19. Najukkami inuutissarsiuutigut ilinniarfiup nunap immikkoortuani pisortaqaqfimmit aalajangerneqartumi makku isumagissavai:

- 1) Inuutissarsiuutip pingaarnerusup ataatsip arlallilluunniit iluanni Siamasissumik Tunngaviusumik Ilinniartitaanerup immikkoortuani siullermi atuartsineq,
- 2) STI-mi ilinniagaqartut sungiusarneq ilinniarnerlu pillugit ilitsersorneqarnerat, taamaattorli § 11, nr. 8 malugiuk,
- 3) STI-mi ilinniagaqartut tclmarmik sungiusarnermilu pissutsit atugaasa aqunneqarneri,
- 4) pikkorissartitsinerinik ingerlatsinerit, kiisalu
- 5) pisortaqaqfiup erseqqinnerumik ilitsersuutai malillugit sumiiffinni ataasiakkaani suliasat attuumassuteqartut allat.

Imm. 2. Atuarfiit sumiiffinni susassaqaqfii inuutissarsiuutit pingaarnertit tunngavigalugit allanngorarsinnaapput.

Imm. 3. Pisortaqaqfiup makku akuerisinnaavai:

- 1) Qitiusumik ilinniarfiup ilinniartitsinerisa ilaat najukkami inuussutissarsiornermut ilinniarfimmut ataatsimut arlallinnilluunniit inissinneqarsinnaasut,
- 2) Siamasissumik Tunngaviusumik Ilinniartitaanerup ilaa najukkami inuussutissarsiornermut ilinniarfimmut allamut qitiusumilluunniit ilinniarfimmut inissinneqarsinnaasoq.

§ 20. Najukkami inuussutissarsiornermut ilinniarfik najukkami inuussutissarsiuutigut ilinniartitaanermit ataatsimiititaliap allattoqaqfigaa.

§ 21. Najukkami inuussutissarsiornermut ilinniarfik najukkami inuussutissarsiuutigut ilinniartitaanermit pisortamit aqunneqarpoq.

Imm. 2. Inuussutissarsiuutigut ilinniartitsinermit pisortap ilinniarfimmi atuartsinerinik ingerlatsinikkut, aqutsinikkut aningaasaqarnikkullu ingerlatat akisussaaffigai. Naalakkersuisut KANUKOKA-llu isumaqatigiissutigissavaat inuussutissarsiuutigut ilinniartitsinermit pisortap suut pisortaqaqfiup tungaanut akisussaaffigissagai, aammalu taassuma kommuninut ataasiakkaanut suut akisussaaffigissanerai.

Imm. 3. Inuussutissarsiuutigut pisortaq kommunit ataasiakkaat aalajangersagaat malillugit kommunimi aqqissuussinermit ilaatinneqassaaq, KANUKOKA-p Namminersornerullutillu Oqartussat akornanni isumaqatigiissut atuuttoq takuuk.

Kapitali 6.

Inuussutissarsiornermut ilinniarfiit ilinniartitaanerillu allat.

§ 22. Inuussutissarsiornermut ilinniarfiit qulaani taaneqarsimasunit allaanerisut ataasiakkaarlutik aqunneqarneri naalakkersuisuni ilaasortap aalajangersaaffigissavai.

§ 23. Qitiusumik ilinniartit siunertarpiami saniatigut inuussutissarsiutit pingaarnerit ilaannik ilinniartitsinerimik ingerlataqarpat aqutsinermut suliaassartai ataasiakkaarlugit Naalakkersuisuni ilaasortap aalajangersaaffigissavai.

Kapitali 7.

Ilinniartitsisoqatigiit.

§ 24. Qitiusumik ilinniartit najaqqaniluunniit inuussutissarsiutitigut ilinniartit tamani ikinnerpaamik sisamanik aalajangersimasumik piffissallu affaa sinnerlugu sulisartussatut atorfinitsinneqarsimasunik ilinniartitsisulinni ilinniartitsisoqatigiit pilersinneqassapput. Ilinniartitsisoqatigiit ilaasortaat tassaapput pisortaq, inspektøri, atuartitsissutitut siunnersorti, immikkoortoqarfinni pisortat, pisortap tullia kiisalu ilinniartitsisut aalajangersimasumik atorfinitsinneqarsimasut tamarmik, matumani assigiinngitsut tunngavigalugit atorfinitsinneqarsimasut aamma ilaallutik.

Imm. 2. Ilinniartit imm. 1-imi taaneqarsimasunit minnerusuni ilinniartitsisoqatigiit pisortamillu inuttaqarlutik ilinniartitsisoqatigiit suliaasaannik ingerlatsissapput.

Imm. 3. Ilinniartitsisut allat sulisullu allat aalajangersimasumik atorfinitsinneqarsimasut ilinniartitsisoqatigiit ataatsimiinnerini najaqqanillaat apput. Sapaatit akunnerini timelærerit ilirmiartitsinerisa nalaanni ataatsimiittoqassatillugu taakku aamma najaqqanillaat apput. Ilinniartitsisoqatigiit ataatsimiinnerini timelærerit najaqqanillaatitaanerit taakkununga immikkut ataatsimiinnerisaaqarsinnaatitaangilaq.

Imm. 4. Ilinniartit ilinniagaqartut ataatsimiititaqarfii ilinniagaqartut sinniisaat ilinniartitsisoqatigiit ataatsimiinnerini najaqqanillaatitaavoq. Ilinniagaqartulli sinniisaat apeqquutit inunnut ataasiakkaanut ilinniagaqartunullu tunngasut suliarineqarnerini najaqqanillaatitaangilaq, sinniisuutitali ilinniagaqartumut illersuisutut atorineqarsinnaavoq, § 31, imm. 1 takuuk.

§ 25. § 24, imm. 1 malillugu ilinniartitsisoqatigiit pilersinneqartut siulittaêtsussartik aalajangersimasumik ilinniartitsisutut atorfinitsinneqarsimasut akornannit qinissavaat. Qinersineq ukiut tamaasa septembarip naanginnerani pisassaaq ukiullu atuartitsiviusup sinneranut atuutissalluni. Siulittaasooq tunuarpat ukiup atuartitsiviup sinneranut siulittaasussaaq nutaaq qinerneqassaaq.

Imm. 2. Ilinniartitsisoqatigiit sinnerlugu timelærerkollegia atorpat siulittaasumik toqqaasoqassanngilaq, § 24, imm. 2 takuuk.

§ 26. Ilinniartitsisoqatigiit ileqqoreqqusassatik namminneq aalajangersassavaat. Ileqqoreqqusat pisortaqarfimmit akuerineqassapput.

§ 27. Ilinniartitsisoqatigiit ilaasortat ilinniartitsisoqatigiit ataatsimiinnerini pinngitsooratik peqataasussaataapput. Tamannattaqaqtuuppoq ilinniartitsisoqatigiit § 24, imm. 2, naapertorlugu pilersinneqarsimasuni ilaasortanut, ilaasortani apeqquutit § 28-mi pineqartut suliarineqassagaangata.

§ 28. Suliaassani tamani atuarfup siulersuisuinit, qitiusumik ilinniartitaanermi ataatsimiititaliamit najaqqaniluunniit inuussutissarsiorterimut ilinniartitaanermi ataatsimiititaliamit saqqummiunneqartunut ilinniartitsisoqatigiit oqaaseqaateqartassapput.

Imm. 2. Ilinniartit perorsaanermut, aqutsinermut aningaasaqarnermut, ilinniartitsisunut ilinniartunulluunniit apeqquutini pingaarutilinni ilinniartitsisoqatigiit oqaaseqaateqartassapput apeqquutit ilinniartit siulersuisuinit aalajangiiffineqannginnerini. Ilinniartit pineqaatissinneqarnissaat pillugit ilinniartitsisoqatigiit oqaaseqarfiginisaannut aamma taamatut periarfissaqartinneqassapput.

Imm. 3. Pisortaqarfup ilinniartitsisoqatigiit allanik suliaqqarsinnaavai.

§ 29. Ilinniartitsisoqatigiit suliaannut aningaasartuutit ilinniartinnit ataas:iakkaanit aningaasartuutigineqassapput.

Kapitali 8.

Ilinniagaqartut siunnersuisoqatigiivi.

§ 30. Inuussutissarsiornermik ilinniartit ataanni ilinniartinni tamani ilinniagaqartut siunnersuisoqatigiivi pilersinneqassaput .

Imm. 2. Ilinniagaqartut siunnersuisoqatigiivi ukiumut atuarfusumut ataatsimutqinerneqartassapput. Ilinniagaqartut siunnersuisoqatigiivini ilaasortat tassapput ilinniartinni klassit, holdit, ukiumi ataatsimi atuartut, ilinniakkat, ilinniakkat iluini sammiviit assigiinngitsut allatulluunniit naleqquttumik agguataarinerni ataasiakkaani atuartut sinniisaat. Ilinniagaqartut siunnersuisoqatigiivisa siulittaasoq taassumalu tullissaa namminneq iluminni qinissavaat .

Imm. 3. Ilinniagaqartut siunnersuisoqatigiivisaqinerneqartarnerinut malittarisassat pisortaqaqfiup aalajangersarsinnaavai.

§ 31. Apeqqutini tamanut attuumassuteqartuni ilinniagaqartut siunnersuisoqatigiivi ilinniartit siulersuisuinut ilinniartitsisinullu ilinniagaqartut sinnerlugit saqqummertassapput, taakkualu kissaateqarneri naapertorlugit suliaassani ataasiakkaani ikiortassallugit.

Imm.2. Ilinniagaqartut siunnersuisoqatigiivisaqinerneqartarnerinut malittarisassat pisortaqaqfiup aalajangersarsinnaavai. Forstaderip najukkamiluunniit inuussutissarsiornermut ilinniartitaanermi pisortap suleriaasissaq taanna akuerissavaa. Ilinniagaqartut siunnersuisoqatigiivisa aalajangiineq qitiusumik ilinniartitaanermi ataatsimiititaliamut najukkamiluunniit inuussutissarsiornermut ilinniartitaanermi ataatsimiititaliamut ingerlateqqissinnaavaat.

Kapitali 9.

Atortuulersitsineq.

§ 32. Nalunaarut atortuulersinneqarpoq 1. juli 1991 aallarnerfigalugu.

Imm. 2. Tamatumunnga peqatigitillugu makku atorunnaarsinneqarput:

- 1) Savaatilissat ilinniartitaanerat pillugu Namminersornerullutik Oqartussat nalunaarutaanni nr. 6-imi 1. juni 1983-imeersumi §§ 3 aamma 4,
- 2) Ilinnutissarsiuutitigut ilinniartitaanermi nangitsinermik allaffimmi niuerneramilu ilinniartitaaneq pillugu Namminersornerullutik Oqartussat nalunaarutaanni nr. 5-imi 30. juni 1983-imeersumi §§ 3 aamma 5,
- 3) Umiartornermut aalisarnermullu tunngatillugu Namminersornerullutik Oqartussat nalunaarutaanni nr. 2-mi 27. marts 1984-imeersumi §§ 3 aamma 4,
- 4) Najukaami inuussutissarsiornermut ilinniartitsinermut ataatsimiititaliaqarneq pillugu Namminersornerullutik Oqartussat nalunaarutaat nr. 1 19. januar 1988-imeersoq,
- 5) Siamasissumik Tunngaviusumik inuussutissarsiuutinut ilinniartitsinerit pillugit Namminersornerullutik Oqartussat nalunaarutaanni nr. 2-mi 19. januar 1988-imeersumi §§ 6-imiit 8-mut, 16, 17 aamma 27 kiisalu 33.
- 6) Sumiissusertutut Kalaallit Nunaanni ilinniartitaanerit pillugit Namminersornerullutik Oqartussat nalunaarutaanni nr. 17-imi 17. juni 1988-imeersumi §§ 3 aamma 4.
- 7) Qitiusumik ilinniartitaanermi ataatsimiititaliaq pillugu Namminersornerullutik Oqartussat nalunaarutaat nr. 3 19. januar 1989-imeersoq, kiisalu

8) Ilinniartitaanermi Pisortaqarfiup kaajallaasitai makku:

a) Saviminilerinermik Sanaartornermillu Ilinniarfinni ilinniartitsisoqatigiit malittarisassaar nr. 4/83, kiisalu

b) Angallatinut naalaganngorniartut, Umiartortunngorniartut Aalisartunngorniartullu Atuarfiini
ilinniartitsisoqatigiit malittarisassaar nr. 12/84.

Namminersornerullutik Oqartussat, 27. maaji 1991

Marianne Jensen

/

Kaj Kleist

Namminersorlulik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlulik Oqartussat inatsisinut toqqorsiviat

Naalakkersuisut